


石洲集

天

詩

本集卷一

別集卷一



五洲集序

居平遇余輒言石

洲權汝章未嘗不相對一涕辛

未冬

出按湖南節將移過

余曰石洲骨已朽矣唯其不朽

之大業尚有若干篇其又可朽

耶已屬宛山尹湛汝時謀入樺
石洲平生自謂相公知已非相
公真可序此稿嗚呼汝章之稿
余烏得無言汝章昔嘗持先公
習齋集求余序不腆之文實在
卷首孰謂今日又序汝章稿耶

始余與汝章年輩後先未及覲
面而聞其詩則久矣逮萬曆辛
丑余受命西僉白于朝請
以白衆免褻述官

宣廟嘉之命徵詩稿以入於是
汝章之詩恒在考案而汝章

詩聲益彰徹大鳴于時幕中諸
君皆是名家大手各建旗鼓寫
視詞壇而門路之正格律之循
則藉之咸推汝章蓋節制之師
也余觀其詩聲裝為章意至而
舒清麗典雅各臻其妙真所謂

絕代希聲也汝章早拋舉子業
除官皆不就寓居湖上家貧妻
子恒有飢色而人或勸之仕哦
詩若不聞樂弛置自放於人少
詩可跡不到達官家獨時人造
余之亦遇興輒邀酒賦歌呼驩

然相得風流晤發俊逸駕人氣
隘宇宙眼空千古其所抱負非
俗人所可窺測嗚呼汝章豈獨
倚哉豈獨詩哉况與時林掇不
欲隨人俯仰懷奇負義慨懷酒
世丘有磊砢壹鬱無聊不至必

以詩藝之觸物造懷無非自得
世之談詩者爭相傳誦詠柳一
絕自是詞人受世之語而流入
宮中竟以是死天乎天乎孰使
之然嗚呼一汝章之詩也而遇
其時則廢嘉而寵之不遇時則

石洲集序
搆罪而殺之此係斯文之盛衰
邦運之興廢則斯集之存亦可
謂有關於世道也遂掩涕而書
為石洲集序

崇禎壬申孟春月沙李廷龜聖
徵甫

石洲集序

詩天機也鳴於聲華於色澤清濁雅
俗出乎自然聲與色可為也天機之
妙不可為也如以聲色而已矣顛冥
之後可以假彭澤之韻齷齪之夫可
以效青蓮之語肖之則優擬之則偕
夫何故無其真故也真者何非天機

之謂乎世之人以詩觀詩不以人觀
詩若然者豈唯不得其人並與其詩
而失之詩可易言乎哉石洲之詩談
者謂百年来所未有此固以詩論也
乃余竊得其人焉余生後公幾二十
年弱冠幸得從公游為人廣頽哆口
踈眉目貌偉而氣豪言論磊落動人

間雜詆譎性酷嗜酒之後語益放傲
睨吟嘯風神散朗即不待操紙落筆
而凡形於口吻動於眉睫無非詩也
者及其章成也情境妥適律呂諧協
蓋無往而非天機之流動也公雖以
詩酒自放然天資甚高內行甚飭讀
瀛洛諸書見解通明雖老師宿儒無

以遠過之

宣廟聞其名

命進所為詩大加稱

賞至以布衣仕儼使光海政亂屢以

危言忤權貴元中蜚語坐詩案以死

及

今上踐阼

命贈某官以伸直道

完山尹洪公寶皆

公門下士始鋟公遺稿刻成屬余序
之余結髮知慕公嘗得一言獎許至
今未敢忘也序卷之託又何可辭噫
公以豪傑之資用志不分專發之於
詩然其遇於世也只一當 華使而
已奇禍之惜竟亦繇是致焉不知天
之畀公絕藝榮之歟抑禍之歟乃今

遺集之行出於禍釁之餘殘膏賸馥
將沾被衾中其視富貴而名磨滅者
得失何如哉逝者而有知亦足以自
慰矣悲夫

崇禎壬申春日德水張維謹序

石洲別集卷之一

五言古詩

寓言

匏瓠貯糞水室以三生石
蛻蛻滿其內臭穢汨
田薄沉在滄溟中沉浮寧自覺
水仙偶見之告以海之樂
糞水激聲笑云自適其適反謂水仙
愚汝言太匏落不知身去來盡是波濤力
人生一匏瓠宇宙一大壑
以我觀此世世人無乃惑

戲車秘書

天輅

相去不容步難見如登天
誰將太行山移置吾

門前東隣洪學士閭巷何喧闐咫尺異窮達世
情固其然長歎更何言閉戶聊自眠

夜坐書懷用東坡粲字韻奉呈同行諸君

子

今夕忽不樂挑燈坐夜半勞生是何物撫已發
長歎百年亦一夢流景安足玩我本不羈人久
作江湖散烟波是吾宅雲月是吾伴遇勝輒留
連詩酒窮昏_御生涯四立壁古書堆几案機心
久已息八鳥行不亂形骸付土木屢月或廢盥
豈但厭局束受性實驚緩况復行路難古今同

一貫人誰念窮獨世不容愚懦偶落塵網中觸
事生冰炭經年作遠客悄悄坐賓館東風捲地
起雪消春日暖羈懷不可寫對酒思共粲

奉和五峰春愁之作

五峰李判
書好閑

客堂悄無事芳草生春愁忽吟招隱詩挂對枝
相繆眷然懷可欽香在天一方鸞鳳日以遠鴟
梟鳴枯桑人壽且幾何河清其未極不如飲美
酒沉冥任窮達

讀書有感

萬理同一源昧者拘形咒欲知物我間譬如兩

石湖別集卷之二
杯水試覆坳堂上誰能分別此

種竹

龍鍾嶰谷姿乃是風霜骨列侍花卉中便覺標
致別餘子豈足數此君真可悅烟梢欲抽葉露
簞初離節疑聽湘岸雨想對梁園雪只愁清影
長亂我樽中月

彈琴

獨坐彈鳴琴琴罷忽思睡風簾晝隱几夢見葛
天氏為我發古調五音流十指曰之論妙道再
拜領深意至樂諒無聲絃桐蓋未耳強弄無絃

琴淵明亦多事

早發公山向懷川途中紀行

清晨出古郭細磴緣高岡滄江動我側碧色吹
衣裳衆峰相嫵媚深樹何青蒼山面石門窄逕
轉松陰涼寒泉瀉逸響玉佩鳴鏘鏘怡然得佳
處不愁前路長他年結茅屋此意安可忘

夕與主人登後園

門前烟火村屋上雲林趣何復辨喧靜意適隨
所遇况此陪杖屨忻然愜平素松陰滿衣袂步
步入秋霧茂林迎素月高葉泫微露茲焉足幽

討悔踏名山路

次汝仁秋日感懷韻

平生學道心柰此遲暮景悠悠委流俗古訓每
自警徒然抱奇志局促無由騁時聞有餘論稍
稍得佳境君有屈宋才詞藻軼哀郢耻學陶淵
明強辨形與影得我眉宇間不語中自領三秋
錦城館燈火坐寒冷故園不可見迢遞隔重嶺
昨夜夢歸程水天相與永窮愁出新什筆陣何
整整微才安敢和渴思如枯井

秋夜

悄悄霜葉墮微風露涼幽人坐深夜明月照
空堂所懷在遠道悵望川無梁依然念疇昔流
淚忽沾裳

次韻子敏途中見寄作

海風吹征帆波浪白浩浩奈何此間行悵望頭
尔皓豈不憚跋涉游子念親老忽枉路中作感
君情意好凶飈獵宇宙霜雪埋百草時運故如
此棄置何足道但恐關路塞還家若不早

記懷 用子敏韻

夙昔愛丘壑素心違暮違遭亂落南鄉三年猶

未歸一見嶺花發再見湖鴈飛弟妹各異縣萬
里失因依天涯感時淚幾濺游子衣人生在世
間歎若朝露晞所以七十者古來良獨稀奈何
自拘束坐送西日暉昨夜夢仙山秀色高巍巍
手携鍊丹子結屋依翠微遽然祇在此好事忽
已非此身殊可哀有淚空霏霏

七言古詩

和林正字七夕感懷見示韻

碧樹陰陰生夜涼螢飛蛩語虛堂秋露氣淒清
簾色寒節序催人成白頭天孫盈盈整雲駕河

漢皎皎西南流此時京洛闐奢華羅衣月照誰
家樓滄江臥病歸不得幸有故人同此憂

次韻使相七言長句

大塊吹萬頗紛紛今古一夢槐安國百年忽々
駒過隙浮生在世誰非客丈夫何必自局束會
向四海窮遐矚今年附驥作遠遊却笑半世頭
角縮我公天與英雄表威儀仰望何抑抑氣度
真如秋嶺雲神秀欲射扶桑旭妙年高躋青雲
衢珂馬堂堂照南陌胸中雲夢吞八九千頃汪
汪人敢測世路風波空擾擾巍然獨立千丈壁

平生端有活國計，擬扇仁風被橫目。縱橫磊落
霸王畧，幾回敷奏龍爐側。聲華誰復出公右，不
誣方將任鼎軸。昨者承綸辭九重，驛路迢迢連
鴨綠。幕中得士皆英才，喜氣敷腴滿尺宅。興酣
落筆九天上，滿紙風雲生霹靂。小生魯鈍無所
能，怯膽變勇仍怵惕。幸蒙君子垂拂拭，一日能
通十年塞。自謂堪踔予，無如執鞭萬里追逸跡。
到處溪山得遊覽，關西况是紛華域。人生此樂
餘事無，客裡轉覺充膚革。公館清樽開讌語，永
夜不寐聞寒柝。白戰張軍各自強，詩壇酒壘還

相托諸子文章日杲杲我如燭火徒不熄逢塲
恣意豈論命一醉累月甘落拓內來萬事多反
覆一離一合寧有極世人相對不相識尺地亦
如山海隔益知茲會不可常更展朱盤催鼓笛
擊節高歌肝膽露今辰何辰夕何夕酒闌相見
忽歎息倚劍一嘯聲更劃男兒墜地要材力豈
異金在爐中躍數子俱為時所重縱欲拂衣耶
可得我待東還脫身去塵纓更向滄浪濯他年
雪掉倘相訪白頭醉卧江邊石

和許天使回瀾石韻

名區奇絕一壺裡千丈丹崖波上起地勢斜分
重疊山天光倒落清冷水驚濤濺沫飛半空巨
石矗矗橫當中新安之江但清淺安得與此爭
英雄翰林筆端移造化寫出分明如畫工興酣
騎馬忽歸去但見落日低蒼峯

和許天使練光亭晚眺韻

澄江衮衮從東來使人一望心眼開汀花岸柳
相掩映白沙青草爭縈迴連天蒼翠見遠樹隔
渚依微辨孤嶼有樓孤絕臨層城千載樓空鶴
已去人傳錦繡堆成山山下湛湛成回灣天孫

一去招不來空有舊跡留其間春風淡沲春水
明白鷗歷亂如飛雪大野日落烟沉沉更倚危
欄待明月此地興亡經幾秋古都寂寂江自流
只今山河留勝槩可憐歌舞餘荒丘一杯相屬
莫停手死生夢幻君知否不如撿取長江水倒
瀉樽中作春酒自從麟馬乘雲飛朝天之處空
苔磯安得相隨出六合騃鸞駕鶴無時歸

題羣山二友圖為金君志遠趙君士安作

漢陽趙夫子眼如九秋鷹南州金秀才心貯玉
壺冰二君相去千餘里二君氣味乃相似浮遊

湖海偶見之相視一笑無復疑男兒得意有如
此海可轉兮山可移百年情義比瓜葛死生貴
賤焉足說白石清川松桂林晤言不暇煩招尋
古來世事無不有却恐會合難可久故用寫作
風流畱趙子丹青絕代手昂藏相對兩幅巾標
格不是塵中人從此千秋更萬歲傳之仍雲期
勿替我手撫圖三歎息管鮑古道今誰識君唯
畫貌不盡心所以不可無我吟

次和友人古意

秋空淩淩秋夜涼草木搖落天雨霜去家千里

來遠方兩鬢雪白身無裳自古壯士多自匿風
塵欺人面翼黑龍泉晦盡秋蓮色空有冤氛射
斗極

家有佳木七株皆先祖承旨府君手植也
真松二老松一海松一丹楓一赤木二
近六十餘歲枝幹古怪凡城西甲第以
池館名者不少無此奇也壬辰之亂棄
家逃生室本懸罄無可顧戀獨此七木
時入夢想間也癸巳夏京城平余自江
都歸六木皆火死獨海松無恙蒼翠依

然余繞之三匝而後去秋自德水歸海
松又無恙余又三匝而去今年春歸自
湖西海松已為人所薪矣余惜其能自
保於兵火之中而卒不能免於斧斤之
患乃作惜海松詩

吾家庭前七好樹種德恭聞自吾祖悠悠人世
幾朝昏黛色參天皮溜雨回廊曲檻宜醉睡六
月天籟生秋氣拾遺枏樹誰比數孔明古柏堪
等伍往者遭亂忽飄蕩蒼翠經年勞夢想十生
九死返故里寂寞園廬但草莽海松一株獨秀

絕口甲蒼髯舊時掾盤桓盡日不敢去兩手摩
挲心自語從來醉耳愛松風況此舊物情何窮
方期築室老其下一生對此甘長終誰知百年
霜雪去入人家竈火爨空餘斷槎檠棘間忍
見春雨苔痕斑忽憶少年心尚孩一日上對能
千回自經喪亂飽憂悶白髮如絲侵兩鬢浮生
草草那可論植物無情有時盡題詩擬續嘉樹
傳把筆孤吟涕如綫

五言律詩

雨中懷持世

此子不易得平生多苦心可憐連日雨誰念子
衆琴花發樹容媚鳥鳴春意深何時江上宅把
酒一開襟

次李佐郎惠韻作別

北逢欲何贈耿耿百年心我讀遠公傳君為梁
甫吟秋蓮看古劍流水聽鳴琴又作江潮別徒
然佩玉音

酒熟戲題

平生秀才麴風味極難忘錯認連宵雨驚聞滿
甕香未須煩上醺聊復急呼觴一酌能成醉低

頭拜杜康

復一作白

閑居謾題

隙地容三迳，虛簷寄數椽。
泉聲搖客夢，山氣潤琴絃。
酒熟寧辭醉，詩成不要傳。
行藏百年事，聊復任蒼天。

昇天府待潮書懷

疾病貧宜數功名，老自休浮生長世。
故歸路偶滄洲，野外孤村暝江邊。
獨對秋前途未易料，惆悵倚津樓。

偶一作復

送人赴扶安廣文之任

問爾今奚適瀛山海水涯官雖鄭處冷才是陸
機多絕國元千里深情更一家江潭春草歇離
恨定如何

林子中挽章

古道還今世吾徒得此人襟期元洒落詩法更
清新戀主心長苦論文意甚真那將經濟畧去
作北丘塵

客舍贈閔士豪

閔頌解卜
筮之書

海右多奇士樽前得此流窮途雙白首虛館又
清秋世事難容力人生本自浮行裝正簫瑟知

命更何憂

寄題鳧舄軒用月沙相公韻

扶藜古名勝傳是濟王居地僻溪山秀官清簿牒疎方期習池醉先得使君書更起南遊興
風動客裾

次友人十六日之作

皎皎鄉關月那堪客裏看纔生江樹外忽入海
雲端旅况頻呼酒詩情獨倚欄池塘迎曙色轉
覺十分寒

用善養亭詩韻贈丁秀才鈇

雲林此幽絕真愜頤人居淨室堪容膝王門肯
曳裾風流同阮巷松菊似陶廬別有難忘處春
溪正可漁

送人謫行

世路難如此浮生可得全樞機雖在已回幹亦
關天我病宜休酒君詩莫浪傳從今各努力嘿
嘿度殘年

臘月二十二日飲張持國宅錦陽尉携

酒來會是日微雪

愛此樽前客俱為席上珍誰知賢駙馬亦是好

詩人小雪初經隔寒梅未放春不辭隨量飲明

日隔紅塵

未一作

次韻子慎旅懷二首

節序殘春盡生涯古郡西異方花絮亂歸路夢
魂迷落照雲依岫空林鳥返栖裁詩為排悶吟
罷却悽悽

舊國青山外孤村碧水濱催歸花裏鳥忍向客
中聞岷嶺思茅泥坊憶煮芹艱難負拙遁旅
次幾回焚

吳都司別章代人

帝節辭天闕龍韜將水軍弓開秋月魄劍拂曉
星文惠化邊氓說英威海寇聞歸來應奏凱萬
歲奉明君

妙畧高天下英名滿海東鼓聲翻疊浪劍氣吐
長虹叱咤千人廢橫行萬里空他年麟閣畫誰
敢比奇功

次持世韻

大道何寥濶茫茫一世曾歸來建德國依止梵
王宮白日看將暮滄波望不窮平生飛動意獨
立向天風

次子餘韻二首

賤子無人記蹉跎二十秋百年何日已萬事此
生浮已覺支離甚聊為爛熳遊古今無限意江
漢一歸舟

人間正炎熱山木已含秋古寺泉聲急孤村海
氣一作色浮身閑知境寂意遠得天遊可笑殘生
事悠悠不繫舟

自詠

舉世皆明哲如何我獨頑跡超榮辱外名在是
非間居對卷中聖出遊湖上山平生一擲酒餘

事不相關

用子寬韻題子定江亭

窈窕清江曲風烟自一家寒宵峰吐月落日浪
吹花竹嫩生新影梅殘倚古查知君丹竈在早
晚躡蒼霞

題具容詩卷後

夫子去不返人間留此詩平生用心苦風格少
人知楮島看花處城山聽雨時百年歡會地窮
老獨餘悲

次玄翁韻

亂後交遊少，唯君是故知。
同為湖外客，每憶洛陽時。
末路聊隨俗，窮愁不廢詩。
向來憂世志，相對輒生悲。

清樽了寒夜，河漢欲西傾。
供世本無力，學詩新有聲。
頭顱生白髮，肝膽照青萍。
在世誰非客，休論去住情。

冬至夜會伽倻精舍

是夜子寬彈琴

相逢既云幸，況是水雲鄉。
日出寒江靜，山深古木蒼。
天時一陽動，人世百年忙。
忽聽歲洋曲，平生意更長。

登齊山亭用使相韻

故園已云遠客懷何以寬諸公不相棄高閣幸
同攀驛路迷深雪邊雲釀晚寒那堪望鄉處更
見鳥飛還

新安途中遇雪次車校理韻

天格

早發嘉平館途中見雪花着城迷古堞鋪渚失
清沙野濶愁孤鳥林寒噪暝鴉歸心忽惆悵家
在漢江涯

新安館書懷用齊山亭韻

作客仍多病逢場且自寬清詩愁絕倒長路怯

追攀古邑人家少孤城樹色寒鄉關不可見只
向夢中還

次子敏臘月二十七日之作二首

但恨身將老非關辱若驚夢魂愁易斷燈火夜
能明世事客行遠天時春意生近來踈酒盞聊
復就徐傾

天涯人事絕歲暮客魂驚莫厭談更牒何妨坐
到明機關看薄俗乾沒歎浮生此酒難重把煩
君盡意傾

次子敏人日韻

過年知幾日春夜七回晨便覺天時改仍看物
候新此邦雖絕域今夕是佳辰且盡一樽酒莫
論千里人

次子敏韻

遠遊非寂寞文字寄清歡對酒寧辭醉當筵未
厭讙胡山天際辨關月夜深看不復聞刁斗方
知四海安

五峰相公行至宣州作詩見寄期以上元
前到此此作龍淵之遊次韻奉答

傳聞隴西老高蓋駐宣州把酒勾溪月題詩謝

曉樓永懷瞻玉對先喜得銀鈎會待觀燈夕龍
綢作勝遊

良夜不可負新年天氣澄鶯花春欲動稼穡月
堪徵愛節常情似追歡舊俗仍公詩能到此報

喜有晨燈

國俗於上元者月
出以占一歲豐凶

次車五山間使相月夜登統軍亭韻

城上軒楹敞憑高眼界空經心遼野月吹面蒨
門風宇宙華夷別山河表裡同唯應千載勝題
品待吾公

次韻送李相禮東還二首

石洲集卷之一
十五
絕域年華改鄉書尚未來病多甘伏枕愁劇懶
含杯已歎辭親久那堪送客回遙憐湖上宅春
色到寒梅

二載別南國悠悠鞍馬間邊心一片月鄉夢萬
重山坐賴烏皮穩行憐拄杖斑愁中送歸客回
首淚空潸

和子敏見示韻

詞臣啣鳳詔幾日發皇州落照長寒眼新春
轉益愁紙書今隔絕旅館尚淹留獨有還家夢
中宵到石洲

客館書懷二首

絕域當遼界邊陰特地寒風沙連日暗冰雪入
春殘深覺旅遊遠更知行路難別家三箇月始
得一書看

古塞人烟少寒山日色微到來初臘雪留滯已
春衣宇宙身奚適風塵事易非誰知閉門睡只
為夢郊扉開門一作畫日

次韻子敏聞皇華消息呈使相

忽見西來報還家似有期新詩聊自慰春酒不
須辭薄俗雖多事竒遊此一時行裝雄劍在霜

刁白差差

再賦書懷韻二首

古館當清夜疎簾透薄寒
可堪更漏永空對燭
花殘地遠書來少
天長夢到難欲知羈思苦
須向鏡中看

抱病身將老逢春力更微
孤懷吟伐木寒夜賦
無衣世路多翻覆
人生足是非長思去年事
湖上掩柴扉

走筆邀東岳

敬子

水國春陰重山城日色昏
異鄉無好客清晝閉

衡門世事堪搔首
羈愁只斷魂
能來慰寂寞
長嘯對芳樽

雨夜書懷

去去誰相念
依依只自憐
遠遊驚節序
歸夢怯山川
忽聽簷間雨
遙思郭外田
無端梅柳意
又復入詩篇

次子敏韻寄南郭朴說之

忽忽三旬別
迢迢一紙書
世情生險阻
吾計墮空虚
野岸花初發
官橋柳已舒
如逢北來鴈
音信莫令疎

次使相韻

清明又已至時序一何忙
小草生幽砌輕寒鎖洞房
春多馬卿病酒發次公狂
坐惜芳華晚郊園興頗長

馬上口占

國在艱虞日朝無老大臣
嶺南猶戢伐關北尚風塵
耿耿此時恨悠悠何處人
長吟出師表涕淚滿衣巾

馬上有感

歷歷看時事無端涕滿巾
誰憐病君子我愛妄

忠臣去國哀登楚傷時困在陳北風吹雨雪難

述此酸辛

時有病君子
憂忠臣之說

遣悶

勿勿風塵際何時採茯苓髮從愁裏白山入夢
中青薄世譏同浴高人笑獨醒百年多少事江
上一浮萍

乙未暮春過舊庄子城西女奴買酒來饋
亂後誰歸得園廬半已空客垂今日淚花發舊
年叢占井春苔綠疎林夕照紅憑渠一盃酒聊
以慰飄蓬

西郊暮春

屨及城西宅依依認故林
草生斜徑狹花發曲池深
僂客無歡意流鶯謾好音
獨來還獨去春月掛雲岑

讀石翁遺事

此理無今古求之在用功
斯文天未喪夫子世難容
日月閑吟裏乾坤靜坐中
無日瞻畫像徒此揖遺風

予敏詩集中有見及語曰次其韻

李子才名大今時杜牧之
賦追前漢古詩壓盛

唐奇萬里同栖記三年隔夢思可憐湖海外相
見本無期

布衣先生

道絕何人繼先生乃庶幾六經寧異轍予聖竟
同歸主敬成終始存心徹顯微誰知布衣底明
月自光輝

大興客館贈姜子舒

風塵殺天宇漂梗欲何依故國多年別親朋此
地稀窮途重把酒浮世幾沾衣願作江城鴈春
來共北飛

再經亂離後飲友人家

海內兵戈動人問歲月催百年雙鬢雪萬事一
心灰江月盡分好秋花隨意開那知九死後重
把故人杯

七言律詩

寄車五山

天輅

先生才格迥超傳弱歲香名滿九州自致青雲
違壯志謾將黃卷坐窮愁相如賦就上林苑崔
顥詩成芳草洲更想守玄頭已白閉門深巷度
清秋

次持世韻

烟沙衰草杳難窮江上漁竿一老翁風浪恰聞
貞女峽雨雲疑近楚王宮籬間樹色寒侵戶簾
外山光翠透櫳深巷悄然無別事獨將鷄骨占
年豐

舟中

秋生江國水烟微夕浪江江漾落暉仙客此時
移桂棹漁家幾處掩柴扉天機袞袞人將老山
色蒼蒼鳥自飛明日酒醒分散後任教風月屬
苔磯

吳都司別章代人作

功業如公世豈多八年東土拔金戈
比肩韓白終無忝方駕關張不啻過
海嶠狼烟無警急邊樓虛拆絕誰何
銅標未到扶桑界却笑區區馬伏波

淨水寺醉題

海山孤絕隔塵囂玄圃滄洲不覺遙
四海名區唯此地百年奇事寂今朝
青天樓閣蜃嘘氣白日雷霆鱗送潮
更有一搏無事酒醉來豪興薄雲霄

郊居謾興寄示友人

幽扉寂寂面空林一室圖書了古今
日落牛羊村路細春來鳬鴨野塘深
裁詩不覺燭花盡把酒更聽山鳥吟
為問人間許長史可能知我此時心

車五山以官事到通津縣許枉訪竟不果
作詩見寄余方有喪事不即奉和既數
日追次其韻聊自遣意耳不必示車

白首扁舟落異鄉十年浮世略茫茫
古瑟流水朱絃澁雄劍衝星紫氣長
謾興只教詩滿篋窮

石湖別集卷之二
三
愁空賴酒澆腸夫君是我同心者多謝新文昨
寄將

送李台徵赴公州任

煩君好去莫長吁薄俗從來棄碩儒未向雲衢
鳴玉佩每投湖郡綰銅符鷄山定雒重泉雉錦
水遙還合浦珠我待秋風理行役一杯能續舊
遊無

途中詠懷

關河迢遞塞垣深歲暮行人老病侵古邑殘墟
聞吠犬寒林落照見歸禽田園偃息他年計鞍

馬驅馳此日心記得小窗風雪夜土鑪燒栗擁
絢衾

平壤客館與子敏輝世夜酌次說之黃州

詩韻

年年長作異鄉遊倚遍天涯處處樓南走剡看
方丈色西來又渡湓江流征途漠漠塵隨眼身
事悠悠雪滿頭此夜好懷還不淺直教從事到
青州

奉和崔同知並見示韻

高才自可補詩亡光燄從來萬丈長已與聖

朝為黼黻遂教旨俗識鸞鳳苦心未敢伸長句
厚意空煩枉短童暫拜清塵還告別不知何日
更升堂

次五山見示韻

遠遊其柰旅愁何邊地偏驚歲月過日落胡沙
雲出塞天寒遼海水增波故人書札上來少客
子夢魂南去多試上東城望鄉國亂山無數鬱
嵯峨

次使相荅咸從韻二首

此生真似鴈隨陽旅食殊方費隙光關外別心

唯貯火鏡中愁髮欲添霜
衰年去住餘滕杖半
世行藏有錦囊
賓館寂寞殘陽盡
春風何日促
歸裝

百年浮世似郵程
萬事紛紛幾變更
可把酒擲
謀共醉不妨詩社
忝同盟
人間貴賤看交態
夢裏悲歡驗俗情
寒夜客窓愁不寐
知心只有短
燈檠

次使相韻寄五峯相公

駟騎聯翩作鴈行
中途相失暮雲長
江城不寐
聽寒角山路孤征怯
曉霜書到自驚切
眷顧歲

闌渾覺減容光共來關外還成阻帳望無緣得

拜床

余曾與龜山峯公同行至黃岡而別前數日公到五城致書相問故篇中及之

除夕以殘雪夜異鄉人分韻余得人字

去年除日落南垠除日今年鴨水濱良夜杯盤
聊自慰異鄉風俗却相親白頭可耐迎新歲青
眼還憐對故人忽想林園殘雪盡小梅花發為
誰春

次五山偶吟韻

此邦形勢壯西關夷夏繞分一水間朔氣結雲
多白雪剡門當塞但青山春生旅館身仍病家

在京江夢獨還不有好詩來起我天涯何處可
開顏

次使相韻

愁對寒燈火已銷故鄉音信道途遙踈慵祇合
歸漁釣漫浪從來厭市朝萬里登樓看北斗三
冬行藥至東橋新春縱酒聊相譔莫聞人間齒
舌囂

次使相統軍亭韻二首

河源迢遞出陰山源到亭前曲作灣地接黃沙
風振塞天連滄海月臨關謝樓祇是兒孫列勝

閣唯應伯仲間此夕偶然陪勝集一樽延賞不
知還

城下長江江上山有樓孤絕俯澄灣群峰獵獵
斜侵海平野茫茫迥接關胡地雲沙尊俎外薊
門烟樹有無間使華芳草晴川句携得風光滿
袖還

次韻南窓病中偶吟

遠遊今日偶回人滯卧西州近十旬關塞獨看
愁裏月郊園空返夢中身漳濱却似劉公幹谷
口還慙鄭子真遙想漢京梅柳樹春來又作一

審新

雨後有作

浮世行藏未易期此身堪笑亦堪悲可憐賓館
雨晴後忽憶故園花發時旅夢只知歸去好鄉
書頗覺寄來遲重門晝掩無人問多少春愁付
酒卮

次五峰使相宴席韻二首

玉樽瑤席醉無歸美人爭歌金縷衣相國風流
誰得似參卿文彩世應稀亭亭落月當樓滿靄
靄春雲繞筆飛豈識南隣病居士竹林烏几坐

忘機

是口余遠以微恙不與宴席

萋萋江草識春歸
綠水溶溶好染衣
旅館寂寥孤燭盡
故園迢遞尺書稀
王程未許人南去
節序空看鴈北飛
莫向樽前談世事
浮生榮辱有危機

次副使蟠松韻

途邊偃蓋不知年
半拂行塵半拂烟
擁腫只應天所賦
堅貞最覺性能全
雪中古色誰能畫
風外寒聲欲入絃
一自使華留眼後
清詩奇骨共流傳

次副使平壤道上韻

代遠接
使作

彩節雙臨湏水濱
岸花汀草共氤氲
朝天石老空斜日
乙密臺荒有暮雲
千古江山猶壯麗
百年興廢劇紛紜
毫端奏取風烟去
一代詞華合讓君

別正使大人

代遠接
使作

朝端俊采映時賢
粉署多年雨露偏
玉佩曉趨仙掌月
繡袍春惹御爐烟
却擎丹詔辭天陛
還使清名滿海壖
颯馭遽歸那可駐
空瞻黃鵠白雲邊

別副使大人二首

代遠接
使作

驚世才華邁等倫，儼臨東土布長綸。
安拔俗風標迥勝處，題詩句法新仙旃。
乍淹滄嶼月，客程遙夢帝城春。
袞衣忽上雲霄去，空使吾人淚滿巾。

雲自蒼茫水自流，驪駒聲咽暮江頭。
尋思舊會淪如夢，欲問前期轉作愁。
草離筵當落日，依歸路隔重洲。
明朝兩地遙相憶，何處青山獨倚樓。

次李實之見示韻

世間歧路極難行，壯志居然愧未成。
自歎鬢毛侵暮境，更堪庭樹作秋聲。
悲歡閱盡俱陳跡，貴賤看來揔强名。
家在海鄉歸未得，夢隨新鴈過江城。

戲題

自憐書劍兩無成，四十蹉跎未策名。
志在經綸身短褐，學窮今古蹠狂生。
詩能遣悶時拈筆，酒為澆胸屢舉觥。
不似青雲李奪子，九衢塵土滿簪纓。

次韻柳康翎

塗

歸盤亭

柳自云取李愿
歸盤谷之意

石沙別集卷之一

壺裏乾坤特地寬
亂山回合勢盤盤
門臨草徑長年閑
人在茅簷盡日閑
小塢竹深藏藥竈
短籬花缺露晴巒
平生愛讀韓公序
今見風流伯仲間

今見咸作子載

次韻府伯辱和九日詩

未識人間卯酉忙
閑中日月本來長
肯求僮僕生新敬
自信行藏有老蒼
病葉不禁連夜雨
寒花能作去年香
晴綫把酒遙相憶
惆悵前林易夕陽

次韻答李佐郎

少年塵土謾奔忙老覺閑居一味長嶺外山川
元歷歷夢中松月更蒼々無論海色連天碧且
愛棠花撲地香何日共成歸隱計竹林深處戴
華陽

送丁內翰

希標還朝

謫仙才調鶴天寒早上丹霄整羽翰暫守竹書
留下邑却隨春色向長安清樽譚浪風流極虛
館逢迎禮數寬此日可堪雲雨散直愁無計駐
征鞍

次韻上使承

賢王宴集于南別宮

小國千年遇聖朝
恩波如海舞臣僚
丹誠北拱星辰近
金札東頒雨露饒
使節聯翩看紫氣
龍顏咫尺望青霄
須知此日慇懃會
正值皇家玉燭調

次副使韻

曉聞公堂置法筵
兩行歌吹極喧然
明庭禮設千年品
寶瑟調成五十絃
紫氣當空瞻使節
青雲滿地立羣賢
清歡不與良宵盡
七字新詩剪燭聯

次韻上使漢江紀遊二首

藍輿曉出城南陌，澤國江山錦繡張。
聞健且須拚勝集，逢場休說是他鄉。
沙邊鷗鷺驚旗影，水底魚龍避日光。
賤子承歡真不分，綺筵扶醉鬢滄浪。

南湖晴日正堪遊，玉節東臨此水頭。
境勝未知清讌洽，辰良合用好詩酬。
壺中自是藏三島，海外何須問九州。
星月滿天波面滑，不妨移棹更遲留。

次韻謝上使書示遊涇江之作

涇江春水綠潺湲，玉節東來駐彩舫。
薄暮林巒

生翠靄中流簫鼓殷青天尊臨極浦邀新月筆
駕驚濤瀉瀑川多謝明珠分及我探來應值老
龍眠

次韻玉溜泉

千年古壑鎖青嵐小竇寒泉滑更甘要送餘波
歸巨海故分清響落深潭流傳剩入詩仙詠勝
絕偏教過客談豈比南州一勺水軟來唯解使
人貪

次韻上使觀漢城迎

詔歡舞塞途之作

敝服微誠仰紫霄霑恩未覺九重遙北辰正賀

虹流慶南紀寧憂海寇剽好雨浥花開笑臉和
風吹柳舞纖腰佳辰更值絲綸降恰在彤闈聽
鳳韶

詔使別章二首

詞華驚世世爭降古鼎能將筆力扛江左風流
元第一朝中屬望更無雙手擎鳳韶辭天闕身
著猩袍出海邦祇恨雲輶留不住驪駒鳴咽不
成腔

鸞書降自九重天白日人間見羽仙飈馭可容
留下土風期已覺賴前緣江潭芳草封離恨驛

石湖先生集卷之一
路殘花照別筵他夜只應勞遠夢
帝鄉宮闕
五雲邊

次白雲莊韻二首為李參奉克題

聞君新結數間廬林壑端宜隱者居
樂志但持長統論求官寧作子公書
閑來把釣桐江上靜裏燒香竹雨餘
身世只應供一笑小軒高枕北窓虛

深知百鬼瞰高明小圃聊堪學邵平
照眼花枝舒嫩蘂關心藥夢長新莖
西窓暮挹千峰翠南浦秋看一鴈橫
塵土向來徒自苦陸沉浮世貴

無名

次汝仁贈別韻

夢中猿鶴夜啾啾想見雲霞海上洲
好向名區謀小築獨將衰鬢別吾州
窮途更送人南去歸思空隨水北流
世事糾紛身欲老不知何地續清遊

次風詠亭壁上韻

即席走筆

勝日清尊醉即休對君無地可言愁
依然路入桃花洞忽復詩成芳草洲
塵土自憐長局促登臨何惜少遲留
世間好會元難剋更耐吾生鬢

已秋

詔使別章

丹山彩翮養初齊飛下青丘捧紫泥文字未容
班氏好風流渾覺謝家低獐袍耀日人爭覩鶴
野連空路欲迷惆悵仙輶不可駐帝京遙在
五雲西

題房秀才

元震

沙溪精舍用昔賢韻

山自縱橫水自東聞君行義在其山幾人好事
來看竹浮世關心獨撫松佳月轉簷寒豔豔幽
花當戶晚瓏瓏傳家已覺青氈重百世風流定

不窮

九日用善述前日見贈韻却寄

論兵獻賦為誰雄獨向殊方逐轉蓬塵世可能
容古道騷壇聊復策新功逢辰強把黃花酒吹
帽偏驚白髮翁忽憶君家好兄弟幾時書札附
歸鴻

寄題通津韓老幽居

一區山水隔風塵魚鳥忘機度幾春早佩弓刀
勤武畧晚將襟抱托詩人閑開淨室恒留客力
致清尊不計貧會待明年花月夜扁舟吾欲問

通津

舟次豆毛浦登申景昇亭子次壁上韻

輕舟欲向廣陵津忽此相看兩幅巾
危檻夜虛宜對月小園春靜不生塵
江皋面水迎歸棹山雨隨風捲釣綸
清賞未闌催解纜明朝回首盡中人

新春謾興

昨夜江頭風揭屋朝來急雨洗輕塵
人今憔悴仍耽酒鳥已間關欲報春
佳興不隨時節改窮愁還覺鬢毛新
妻兒莫歎簞瓢罄宣聖猶曾困

在陳

楊經理鶴畫像奉教

將星當日照天東自是關西第一雄
整頓乾坤談笑裏折衝樽俎指揮中
事如雲水千秋白威鎮山河萬里空
遺像在堂凝不動至今毛髮凜生風

送朴說之

東出牧羅州

好去羅州老使君向來才望獨超羣
不辭太史周南滯要作東坡嶺外文
燕寢清香森畫戟敬亭飛鳥沒孤雲
新詩定得江山助千里郵筒倘

見分

子敏詩卷中有在嶺北相憶之作曰次其韻
一代爭推大雅文陽阿曾許里人門平生故舊
誰憐我晚歲情親獨有君蝶夢每隨三夜月鴈
書長阻萬山雲如今莫話青溪髮貧病年來白
九分

次韻車五山詩

曾是仙都玉笋班謫來人世幾時還才高冀北
空羣馬詩似淮南作小山逸興迥超榮辱外清
談不著是非間滄江一別無消息叢桂何緣得

再攀

涉江一作風塵

賊退後入京

故園荊棘沒黃埃歸客空携一影來
千里山河流戰五百年城闕有荒臺
南天盡角何時盡西塞鳴鑾幾日回
獨向松郊尋舊路斷雲喬木有餘哀

城南

池臺蕪沒沒有寒灰浮世淒涼只可哀
旅泊幾回驚節換鄉關今始見花開
青郊雨氣風駟去華嶽烟光鳥帶來
景物宛然時事異不堪重把故

人杯

子敏詩集中有見及語曰次其韻

壯語驚人奇又奇相如詞賦子卿詩誰憐紫氣
久埋沒更耐白頭生別離作客共來千里地論
交休說十年時夜闌秉燭真如夢滿卷清篇慰
所思

壯語驚人一作駿逸清新

望雲亭為李子敏作

幾片閑雲故故飛此時遊子淚沾衣西江風浪
書長阻南國星霜夢亦稀鶴髮可憐侵暮景草
心何以報春輝誰知天畔登臨眼却羨林鴉接

翅歸

海村雜興

自從蠻貊犯天威
戰士如今尚鐵衣
三闕殿臺秋草沒
八州民物曉星稀
張騫入海無消息
秦檜當朝有是非
蟻蟲小臣何所補
百年林下掩柴扉

客懷

荒村寥落倚孤城
日少唯聞畫角聲
風獵短籬寒犬吠
月臨虛閣候虫鳴
愁中得句還無賴
亂後逢人更有情
魂夢不知身臥病
夜來騎馬指

歸程

贈沈生

吾曹自是飲中仙
爾似宗之義少年
玉雪肌膚元可念
錦囊詩句也堪傳
山園雨罷花如霰
江郡春深柳滿烟
此地相迎更相送
不禁離恨共依然

寄車五山

客愁如醉幾時醒
歲暮江城獨掩扃
供世自悲雙鬢白
讀書還愛一燈青
殊方佳節古今恨
歸夢故園長短宜
意氣百年雄劍在
夜寒光彩動

秋星

五言排律

秋日旅懷次汝仁韻

孤城千古地遠客百年心
對老先秋色山寒易
夕陰天時正搖落世路幾浮沉
病久霜侵鬢簷
虛月照襟夢回鴈曉愁劇亂
蛩音多少殘生
事逢君更一吟

送李子敏

聖世兵戈起偷生作遠遊
蒼茫步兵哭迢遶仲
宣樓南極孤燈夢西江
萬里舟吾人元草草此

別信悠悠劍術終無賴詩名轉覺浮山川嗟異
路風雨苦同憂念念經過少看看歲月適明年
寒食節萬一會神州

和許天使玉溜泉韻

孤岫翠娟娟中藏小有天石危斜逕盡巖坼細
泉懸滴滴聲偏好瓏々色更鮮看時疑玉液聽
處愛風絃漏洩纔由竇奔流忽作川誰知終混
混還自始涓涓一派雖歸海真源祇在巔秋宵
宜照月春日或生烟一入詩仙詠芳名萬古傳

五言絕句

靜中吟

意實羣邪退心虛一理明
靜時觀萬物春氣自然生

雨夜書懷

微雨夜廉纖曉風吹作雪
為問江南人梅花幾枝發

次牛溪先生韻題朴生

守幽居二絕登在三

地僻無人跡林深有鳥言
方知別世界不獨在桃源

峽裏村墟古園林帶碧流
茅茨如可托願卜水

西頭

題畫梅竹月

老竹何龍鍾新梅更奇絕
已令魂骨醒况著清

宵月

戲次成進士輅見示韻

湖海成夫子平生百尺臺
君卜居揚花浦上每自詩屋後小臺以為

絕勝之地故云可憐經世志頭白但含杯

李僉知宅即席示任御史子正

勝地宜佳客清樽近繡衣
窓前數枝菊不辭避

霜威

十日携琴訪沈載寧不遇就籬邊菊下呼
義鬢命酌獨飲數甌彈平調三兩曲遂
留詩而還

不歎主人出但憐秋菊香瑤琴三兩曲獨作後

重陽

獨一作聊

次時叔韻

相知即故人何必宿心親莫怪移家計宣尼重

里仁

家一作居

用前韻呈石田

歡伯是良友晤卿為廣居如何石田老詩白每

煩予

偶作

我愛秦淮海

或作揚
崇子

當年字太虛一生燈火讀

強半是兵書

村居雜題三首

渴人多夢井飢人多夢庖春來遠遊夢夜夜到

江郊

昨夜月沉霧今朝山出雲無端波上雨細細作

靴紋

昨日半日睡今日半日睡睡鄉非故鄉聊以適

吾意

讀兵書有感

局促英雄老蒼茫
日月奔平生三尺劍
何以答

君恩

一住恐
聖明君

贈歌人尹汝極

莫唱南山絮
何人為一聽
即今天下耳
空識有

秦青

七言絕句

入日獨酌

誰復題詩寄草堂
獨開尊酒慰悽涼
春來故國

無消息柳色梅花空斷腸

楊花江趙持世

韓緯

幽居次李子敏詩韻留

別

憑君莫唱鷓鴣辭
楚客如今怨別離
明日孤舟
更千里相思
叵耐菊花時

河源留別申質夫

據

無限離愁春酒濃
雪消南浦草茸茸
孤舟明日
巴陵道回首雲山千萬重

即事

松枝作架蔽秋陽
分外新添一味涼
清書掩門

無客到不妨高枕夢羲皇

次鏡環子謾興四首韻

操存妙處問何如心地清涼水鏡虛盡日不生
塵土想一簾疎雨對薰爐

右存心

素志平生在六經只今雙鬢欲凋零胸中自有
明如鏡險阻艱難實飽更

右積行

百氏紛紛各有名曲蹊隨處引人情申韓老佛
徒為爾孔孟遺書要舌耕

右擇術

求田問舍已多年卜宅真同孟母遷城市囂塵
非我所白頭端合卧林泉

右卜居

題諸君藥山醉歸圖

寺邊江岸水連空人醉殘陽香靄中繪事至今
遺恨在尊前不著石洲翁

偶與數客至二梧亭主人設筵夜酌琴歌

之樂頗洽戲賦一絕

主人姓李名景以
納粟位至三品

此地琴樽還此時人間好事本無期風流到底
不可朽更遣石洲來賦詩

雪中行

山色蒼茫半有無北風吹雪滿長途只今安得
元暉手畫我披蓑覓句圖

次使相口占十絕韵

旅館寒燈逼歲除
暫憑烏几夢郊居
如今未覺千金重
願得家人一紙書

風沙漠漠塞天昏
客子貂裘故不溫
獨在異鄉歸未得
慈親應倚日斜門

病後筋骸賴杖持
鬢毛蕭颯葛巾欹
破除俗事須多酒
排遣羈愁有小詩

谷口當年學子真
偶然為客落風塵
何緣得遂幽栖志
看水看山老此身

鄉愁無口不回腸
歲月蒼茫關塞長
孤館獨眠

寒夜永一燈明滅照空床

落地貴為男子身眼看四海作比隣寧知湖海
三年客又作關河萬里人

窮冬作客見春回千里家書尚未來
怊悵旅愁無節意浮生半在此中催

浪跡溪山記往年一枝筇杖白雲邊
祇今鞍馬成何事空歎幽期負老禪

不須彈鋏歎無魚腸肚從來習野蔬
何況浮生有定分貧儒食籍是寒菹

羸駝齧豆浪翻江深屋無人對蠟缸
強飲一杯

成小睡五更風雪打寒牕

雪後呈東岳

中宵忽覺紙窗明清曉開門雪正平安得與君
乘興去統軍亭上看新晴

次韻使相正月三日雪二絕

狐裘中夜十分寒金鴨爐存火易殘為有兒童
報春雪不辭清曉捲簾看

柴門深閉斷來人白雪鋪庭厚作茵忽覺今朝
寒氣薄使華詩律發陽春

次使相韻贈連上人二絕

前身應在藥珠宮何事謫來塵土中自笑半生
徒自苦機關用盡不如公

二年為客別鄉關關路迢迢隔萬山忽有山僧

來訪我招提昨夜夢中還

上人乃淨土寺僧寺即余少年肄業之地

次思庵韻贈楊理一

我逐虛名落世間山壇有約幾時還逢君聽唱

關東曲領略金剛萬疊山

楊也善唱關東別曲

席上次使相笑博士體

千山萬山欲落月一陣雨陣何處風錦筵紅燭

五更盡相對六人皆醉翁

題慈山梨花堂

依山傍水十餘家
冒雨人來日已斜
公館寂寥官吏少
滿庭零落海棠花

過松都口占

城池寂寞古臺荒
樹木無言送夕陽
牛背小童橫短笛
不知人世有興亡

正月三日見雪有作

去年今日龍灣館
把酒曾題春雪詩
好事只今歸夢寐
天時依舊鬢如絲

次家兄草樓子韻

宦海風波蛟吐涎隨緣聊作飲中仙樽前獨酌
成沉醉不待花枝擊鼓傳

附草樓韻

初聞酒熟口流涎忽把深杯意欲仙身事即
今宜縱飲姓名後世不須傳

嬋娟洞

古洞寥寥草自春客來何事暗傷神可憐此地
埋珠翠盡是當時歌舞人

春日郊居

溪上春蒲欲吐芽籬邊紅杏已開花空簾日靜

無餘事坐見黃蜂趁早衙

偶到湖上人家索酒下得戲成一絕

惜無詩句荅年華為向湖邊問酒家却殺今朝
好風景對花空啜一甌茶

春日有懷亡友姜子舒

不見臨風玉樹姿百年存沒兩堪悲春來處處

山花發尚記平生對酌時

君乃僕酒伴古詩言
兩人對酌山花開之

句故

簡吳翰林

翊

人傳柱史是仙郎金櫃細書竹帛光更想官醪

風味好不妨分與病夫嘗

醪或作杯

簡府伯沈令公學而悅

雲子本無傾蓋分麴生新有絕交書如今學得
村翁法便向青山斫小禽

觀打圍呈府伯

澤國天寒好打圍原頭草短馬如飛割鮮野食
渾閑事只為防邊試武威

蕭蕭風雪撲旂竿殺氣吹空劒戟寒敢道書生
無膽勇知君終擬斬樓蘭

聞月沙令公回自

帝京聊寄問

仙旆歸來自 帝州來時應上謝公樓何當更
剪西牕燭共把深杯話舊遊

寄題宋林川

壽

卅兄幽居

浥露和烟淡復濃百般紅紫共春風東君不管
繁華事都付先主杖屨中

右春回壇

草堂東畔古壇西香雪漫空咫尺迷想得夜寒
人不寐子規聲歇月輪低

右梨花亭

見說新堂結構牢雲林花石與周遭知公不作
平泉記欲學甄君孝義高

右思孝堂

秋夜

凄凄風露覺秋深一夜寒聲在竹林除却平生
管城子更無人會此時心

李判官

言慎

遣子求詩走筆以寄

守靜君方湖上宅卜居吾亦海中山
休辭雪夜來相訪兩地帆風一日間

春題

風塵不到野人家獨掩衡門度歲華
莫笑此翁貧至骨春來贏得滿山花

次五峰韻題李清風

甚

幽居

北牕風致絀陶君虛室清香盡日薰
隙地可能

客小築滿江烟月欲平分

去年十月環草堂種松果雜木僅五十株

春來旱甚枯死殆盡獨巖隙小松蒼翠

依舊感而有作

種木莫須誇得地春來枝葉搖凋零誰知一尺

巖間土能使孤松自在青

其一
作不

次韻答友人

相逢不用問幽居生理唯餘一架書為謝故人

情不淺雪舟能復訪吾廬

和唐人黃陵廟詩與持世子漸善述獻甫

同賦

汙草萋萋春復春至今瑤瑟怨猶新
新詞爭唱竹枝曲明月孤舟何處人

尹廣川在松都遣人相邀余初自京江得
病還家不能赴約次來韻以謝

書報山醪欲醅醅素封青眼一時開
佳期不是故相負抱病新從京口來

杏樹下治小壇連雨數日已生莎草茸茸
可籍為賦一絕

小壇新削平如掌更愛青莎雨後新
却想明年

落花節亂紅無數點芳茵

金秀才

守銓

載酒來訪留一夜而去賦一絕

為別

寒天來訪老書生感子慇懃不世情更約明年
桃李月一樽重會鳳凰城

留別

千里來敲白竹扉可堪離恨更依依分明十六
懷川景領取溪山滿袖歸

諸公追餞於碧落亭書此為別

危亭樽酒對秋山珍重情人送我還他日莫忘

石溪先生集卷之一
四八
分手地碧溪東畔亂松間

無題

江潭芳草綠萋萋別恨撩人路欲迷想得洞房
春寂寞杏花零落子規啼

夢中作

十二月
初二夜
宿河陰村舍

誤逐浮名別故山獨將書劍滯秦關籬邊黃菊
為誰好隴上白雲空自閑

謹和先祖陽村次古人畫梅韻與李學士

詹同賦之作

曾識江南第一花怪來顏色黑如鴉試看踈影

橫斜處猶似孤山處士家

陽村詩曰鴈盡江村未有花尋梅終日到

客鴉忽逢玉質蒙烟霧不覺來從免穎家

九日

江南江北葉初飛九日樽前淚滿衣故里荒涼秋草裏不知經亂幾人歸

江漢滔滔日夜流歸心長在水西頭郊扉寂寞無人到籬外黃花又一秋
憶昔登高強盡歡終南秋色照杯盤
賓妻群盜今如此忍把茱萸仔細看

途中立春

漢陽迢迢隔雲山
遠客空携一影還
却恨春風不相待
曉來先我入鄉關

有感

萬事悠悠醉復醒
百年身世一浮萍
逢人欲訴心中恨
可柰時時睡不聽

河西書院

院門深閉鎖松筠
不見當時寂寞人
獨有萋萋庭畔草
春來又作一番新

憩路傍廢池

誰家池上草
離離客子吟
有所思
獨背斜陽

愁不語東風吹淚滿花枝

題居業錄後

儀表江南第一人
鶉衣簞食亦安身
傍花隨柳
渾閑事誰識先生自在春

西湖舊感

酒後詩成一百篇
筆端移得好風烟
詩篇散落
無尋處只有風烟似昔年

庚寅夏與子敬同遊
兩宜堂有唱酬集一

炎冬共
大野燒

清江一半浸寒山
幾點漁燈杳靄間
人與白鷗
相對睡夜深微月照汪灣

路上口號

歇馬溪橋日未西
春風吹草綠萋萋
靚粧臨水小旄發
好語隔林幽鳥啼

路上望三角山

積翠浮空氣象豪
衆山環列細秋毫
向來西北天傾處
賴是三峯柱得牢

題厚陵僧舍中

朝家具禮設齋郎
洒掃玄宮有古常
誰使西方髡首輩
一間茅屋祭先王

醉吟

少年學劍不成去屈跡淮陰屠市
中愁來飲酒一百盞醉吐長虹撐
碧空

題壁

藤床木枕可安身虛室清無一點
塵有竹千竿梅十樹百年生計未
全貧

留別李景醇

名希孟

相逢一笑已忘言此日分離却斷
魂洛口他年如訪我水邊林下掩
柴門

平壤寓居有僧來訪

客子勞勞塵滿衣山人何幸肯敲
扉晴軒相對

忽惆悵花落故園猶未歸

戲贈而性

平生結客少年場
流落江湖鬢欲蒼
舊懶讀書今喜讀
勿云磨礪不成璋

贈高陽品官

書劍從來兩不成
非文非武一狂生
他年洛下如相問
酒肆兒童盡識名

憶舊

關西佳麗昔年遊
把酒題詩幾處樓
窮巷寂寥身臥病
夢魂長繞鴨江頭

失題

平蕪極目迥連天
渺渺歸程落照邊
安得方回
斷腸句為君描取好風烟

江南路中

三月江南雨滿山
鳥啼花落水潺潺
潘郎不解
傷春色却待清秋髮始斑

雜體

聯句

何處難忘酒天涯歲暮時
汝章日沉關雪暗風急
戍笳悲
子敏塞語聞還慣鄉書見較遲
汝章此時無

一盞何以慰羈離

子敏

夜坐聯句

畫閣孤城閉

石洲

殘燈遠客愁
天邊春欲半

五山

岸草新抽故國書
難得

南窓

佳辰病不瘳
賴君拚

一醉

東岳

忘却在他州

石洲

夜飲聯句

春酒鴨頭綠

石洲

桃花人面紅
歡情燈滅後

五山

興月明中萬事一杯足

石洲

丈夫孤劍雄
雄應傾

意氣

五山

相視吐長虹

石洲

肅川池亭聯句

四月甯館微風落野棠

五峯

青山繞雕檻綠水

滿回塘

石洲

笛奏梅花引杯傾竹葉香

東岳

會須終

永夕持燭賞紅粧

無名氏

又

此地不常得人生能幾何不須促歸騎且復聽

離歌

東岳

霜鬢花前亞鶚聲柳外多

五峯

今朝分散

後明日更誰過

石洲

挽重峯先生

幾折朱生檻長為楚水醒後知大君子不處小
朝廷直氣軒天地孤忠炳日星崔嵬錦山色萬

古只麼青

石洲別集卷之一

石洲集卷之一

五言古詩

四懷詩并序

余性踈誕不宜於世頗為禮法之士所
絀所與忘形不相疑者獨有四人焉世
亂相失存沒不可知言念曩日交遊之
盛落莫如夢中事感時懷舊作五言詩
四篇凡千有七百五十言命曰四懷以
擬工部八哀云

昔在漢京時年少尚豪毅涉世昧樞機論詩誇

斐亶苟匪子同病知音復能幾君才北溟羽失
勢困量罽鎔鄒閉塵匣空有斗間氣我時坐閑
冷頭角縮如蝟孤懷靡所託蠅附得驥尾聚螢
實分光敢簾還共味文章恣馳騁雕琢愁肝胃
春城花爛熳夏院葉蔽蒂微霜墮高梧凍雪埋
衆卉泛湖波潏沕登山石礪硯傑閣俯南山朝
隋看薈蔚詩罷試新茶蟬眼聞百沸論事究輒
輒命物羅品彙閑尋北郭生高揖南昌尉奇談
騁雕龍妙道况履稀百恠聚玄窩下觀焉足畏
蛟鰐壯角牙手攬如刺蜚世情忌殊異人心不

可謂瑾瑜比較潔尊嗜多譏誹魯酒解旁圍楚
璧能成腓不用亦何傷固窮君勿諱秋蘭可以
佩畫錦寧須衣相期越世網漁釣老葭葦生逢
聖明君欲去還歔歔國家二百年廊廟密經緯
群賢協謀猷四海馳光煒陸帽而水慄玄黃爭
實篚豺狼忽改慮毒螫肆蛇虺妖星照王除翠
蓋違丹宸平生十三篇願敵王所愾長策歟差
池壯志懷憤悱遠身落南鄉明月幾回朏山河
慘滿目風景泣周顓諸葛欲扶漢嗣宗不忘魏
夜夢呌天閭五雲深飄飄覺來如昨日旅枕獨

石沙集卷之一
二
自啼高陽舊酒徒半作殊方鬼念君亦栖栖如
今安穩未相思費晷景雲樹渺江渭天津十年
容想見衣冠偉舉世一溷濁不辨珉與瑋孤忠
皎如日貪佞蝕之既分甘一瓢樂安用五鼎貴
低心逐時利只使精神費不如抱遺經瑟僎追
有斐願子採吾言慎莫棄葑菲詩成無使將聊
可以自慰

右懷德水子 李君安訥

太一杳旭卉山河初兆朕網緼播群物神秀子
獨稟聲華動湖海符彩拔流品丹穴弄瑞羽綠

耳生赤潘膏次九雲夢稽天淨大浸妙道發開
捷世俗安敢闖我心如廢井茅塞不堪沁賴子
劖荒棘溫蠖忽已滲逸翮羨綦繇跛足愧踽踈
秋咏小山桂春開清夜飲雅論憂華鯨清詩剪
宮錦高人少町疃薄俗多譏諧懷寶故迷邦價
重難沽貨明珠翳沙礫嘉菊沒葵荏薺齒子已
齧韜舌我亦矜誓將決焉去結屋桑麻陰所要
在甌石不用崇倉廩聖朝尚文治金革久不衽
調鼎忽違和烹鮮俄失飪秦開破天險漢苑羅
氛侵風塵蔽寰宇警蹕離丹禁蓬蒿悠問巷灰

一
廬悲陵寢蒼生輟錢鏹紅女罷蚕絲喪亂何代
無比古今更甚平生斬郅劔意氣空凜凜蹉跎
二湖間旅泊長懷懔思君不可見幽抱向誰論
山川鬱回互消息難令鳩寄食一家村忽忽坐
昏窘診夢感櫟杜尋僧解謠讖狂走屢盼盼孤
懷恒怲怲處約昔未慣涉世今差審詩情餘舊
習瘦盡東陽沈窮餓士之常非開降大任昨夜
夢仙山曉鶯鑿客枕未遂丹竈約一別經三稔
願為雙白鶴天外叫相喑世人醉榮利有如鳩
食糞齷齪不足道棄置吾將噤徒倚步前簷瞑

雲寒淅淅

右懷王方老人

洪君春壽

孔孟去我久大道日以闕六籍既灰燼舉世入
玄窞區區紫陽翁綴緝費鉛槧難齊天下口易
牙徒能喊至今千載下聖路多坎壈吾子發幽
憤進道無不敢妙理洞鴻蒙高懷謝黯黹金仙
尚空寂老氏貴恬憺下至百家術乃以一手攬
曰余昧前訓小技忤鑄鑿寤寐想風采事類嗜
昌歎相逢塵土間論議令人感語我太極先真
味本來淡器小易至盈事重難容擔義苑得切

磋文堂事點勘雪峯凍魏我春湖漲泛濫夏院
綠簪當秋池紅菡萏詩酒動相隨脫略傾肝膽
妖星一彗孛烽燧秦川黥脫身豺虎窟共繫江
都纜重携十年手相視各悽慘撫劍慨時事淚
落不可掩旅窓十日話端如嘗橄欖歡喜詎幾
何離裾又一摻把酒水上亭戀戀不忍寔孤帆
忽南下極目唯江表別離已經歲天柱尚頌撼
顧我襍襪人分甘藟不摻念子抱奇器何帛亦
顧頷淳風死不回世教一幽暗服艾棄蘭茝惡
朱喜緋紺天運固如此志士空多憾悄悄坐窮

愁對案不能取客堂感流景缺月頗窺瞰每懷
少年遊想見兩髦髡人生實可憐百世亦云暫
夫唯道德鄉萬古無增減至人不凝滯逝止在
流坎願言各努力勿為利所啗作詩聊自警憂
來時一覽

右懷宋天翁

宋君考

昔與子同遊恩義日彌重心肝瑩相照襟抱豁
無壅受性我實頑向道子則勇雅懷皎璧月高
標拔山豕閑行袂相聯醉眠衾共擁林園弄曉
禽池館唵秋蜚江春花豔豔寺夜鼓洶洶賦罷

手幾又詩成肩尚聳湖山八牢籠宇宙歸錯綜
筆力騁瓢詆簡編刪闡罅瑰意世方驚逸韻人
皆竦往往話社稷淚迸若泉湧重雲欺白日讒
佞各矜寵世事日垢玩時態多煩冗海寇忽憑
陵黎元盡肱腫烟塵犯畿甸兵甲滿臯鞬戰瓦
落累愚賊焰燒欒拱防胡挫漢威幸蜀躡唐踵
平生報國心愁緒類抽蛹與子叫天閤性命輕
一飀蹉跎各星散晤語誰與共逃山愁聲學走
海恟洶溶懷憤肯成癭蹈險足生虺幸甬脫碣
礫快若解桔槔鄉路幾西悲君恩長北拱卧病

滯江海歸夢泣秦隴子惠萬里書披讀無忤悚
又得七字詩光彩耀珪珙依依想平昔愛玩手
長捧輾轉落南州旅宿魂猶恂子兮忽來過眉
宇喜重奉燈火照夜語新詩相為誦鷄鳴戒徒
御曉氣作寒霧別離幾日月盜賊尚恣縱郡國
日以病軍須絕漢甬瘦荀彧懷策迫此懼將恐
知音限流寓札翰阻歛縫長懷京洛間意氣相
追從戰詩日角逐有似鄒魯開只今無闔心憤
氣鼓不踊惟當棄鉛槧南畝理荒茸出租奉公
上謹身守丘冢君看榮利場擾擾求斷壘俗途

石門集卷之一
有千歧高駕苦易憂處身木鴈間誰知無所用
此志恐不固為詩斯自訟

右懷六友堂 具君容

感懷三首

今日忽不樂杖策登北林雪消遠山淨日落浮
雲陰蕭蕭蕭蕭薄間磔磔喧衆禽衆禽各有侶客
子方獨吟美人在天端悵望傷我心巾車欲有
往道路多嶮巇竭來理舟楫滄海闊且深坐看
高飛鴻淩下沾衣襟夜歸寒檐卧夢行湘水潯
臨水吊楚魂碧水空沉沉回首叫虞舜但見雲

外岑古有遠別離此恨寧獨今去去勿復念芳
樽聊自斟

黃雀何翩翩寄巢枯葦枝江天喟然風葦折巢
仍歆巢破不足惜卵破良可悲雄雌飛且鳴日
夕無所依君看彼黃雀物理司可推結巢豈不
固所託非其宜

種蘭盈九畹雨露日芳菲坐冀枝葉茂庶用充
佩褱嚴霜昨夜下百草倏已腓杉篴尚不免况
乃蕙茝微仰視日光有淚霑我衣豈徒感時
節君子有所思

夜坐醉甚走筆成章三首

我本無心人願得無言友同遊無有鄉共醉無
味酒有無不是無無無更何有為問無是公如
此是無否

昔余夢為鳥飛入白雲鄉又嘗夢為魚激刺游
滄浪方其得意也跌跌且洋洋俄然形忽開此
身尚在床物理有合散變化固難常孰辨真與
夢孰分蝶與莊古來世間事幾度炊黃粱悠悠
倚山閣天地正斜陽

幽居所居屋繞屋多古木有鳥半夜鳴聲如小

兒哭其名曰訓狐鳴則主人厄主人語訓狐爾
聲雖甚毒舉世皆爾曹不祥爾豈獨呖訾弄巧
舌賜睽張奸自對面設機阱陷人動不測以爾
比世人焉知不為福

述懷

朝日自何來夕日向何去一朝復一夕白髮遽
如許少年志氣壯長嘯望伊呂方圓豈相謀與
世實鉏鋤始也多毀譽終焉寡儔侶况逢干戈
際漂泊忍羈旅溝壑幸而免疾病固其所皎皎
平生心壹鬱誰與語手掇秋菊英願貽高丘女

石所集卷之一
佳期未易得歲暮徒延佇

切切何切切

切切何切切有婦當道哭問婦何哭為夫婿遠
行役謂言即顧反三載絕消息一女未離乳賤
妾無筋力高堂有舅姑何以備饘粥拾穗野田
中歲暮衣裳薄北風吹郊墟寒日慘將夕獨歸
茅簷底哀怨豈終極

貧

人無置錫地而我本無錫物量有定分盜誇非
所期蓬蒿原憲宅霖雨子桑詩去者雖已遠清

風猶可追

獨酌有詩三首

春雨細如霧好花開滿枝
忽忽感時物濁酒聊
自私竟日卧南榮舉目多好詩
人生貴適意局
束欲何為寄語同心子
莫孤林下期百年任醒
醉人知我是誰

少也待佳節長恨日月遲
及壯念衰老坐歎年
光馳努力愛紅顏莫忘歡樂時
眼前不自覺後
來徒自悲孰云貴賤殊
貴賤皆若斯但願百年
內有酒勤相持

昨日盡日風今日盡日雨天道豈無意陰晴自有數幽人念時節擁褐開北戶曖曖近村烟蒼蒼遠湖樹所懷不在此閑情向誰吐幸有一樽酒可以慰遲暮書詩記朝夕不是要佳句

題邊秀才

慶

南華經後

道本無始終物豈有生死適來適去問何者主
張是鼠肝即鼠肝虫臂即虫臂何為何不為待
彼而已矣

贈林子定

忙

我愛林子定其人王佐才奇韜握龍虎俊辯騰

風雷鬱鬱抱奇器，刃名安在哉。鳴琴咽流水，古
劍生秋苔。我亦落拓者，半世趨風埃。欲陳濟時
策，天門何崔嵬。茫然撫疇昔，壯志中道摧。圯迹
屠市中，燕歌空自哀。三花若未落，與子歸去來。
雙騎紫鱗去，浩蕩遊蓬萊。

題沈尚志

淹

郊居

客自水站來，清曉扣門板。主人去京華，歲暮猶
未返。園丁慣看客，迎我笑而筦。開室掃華簞，戒
厨供白飯。居然飽我飢，不愁前路遠。顧謝汝園
丁，何以報深懇。留詩廳壁間，要掛主人眼。

具公受容將赴任金化枉書求詩

我衰益踈誕踳躐不自悔陸沉古都市歲暮欲
何待朋知日星散坐歎光陰改忽枉竹樹書價
重珠百琲竹樹天下士舉世仰符彩平生古錦
囊可以括四海十書命未通去作山澗宰邑居
倚名山萬峯碧蟲蟲遙知謝薄領峻陟窮爽塏
自笑落塵土謾受群兒詒行當拾瑤草宿昔佳
期在道路阻且長江水流浼浼離懷不可瀉悵
望愁更倍題此寄行軒拙語無足採

秋懷戲效李白

白露下薰葭水國知新秋天虛遠山淨地迫寒
江流羨人隔南浦日夕令人愁相思屬涼夜片
月生西樓

食蝦蟆

蝦蟆本有尾一名是丁子南公號為蛤初不校
同異凡物各有區陸者不能水去來唯所便嗟
汝獨何智在淵或在田欲學神龍事自古當鼎
寶熊掌未足比孟軻豈欺我天下口相似清晨
課隸人罩釣水草裏居然得雋歸狼籍駭人視
膳夫備辛醎魚炙隨所指下箸初可猜下咽終

石湖集卷之十一
可喜觀者恠吾饒掩口爭唾鄙人誰不飲食知
味益鮮矣丁寧謝詩人莫賦河之鯉

秋日把酒感而賦詩

手掇秋菊英寒香盈我襟
槽床夜來注洗觥聊自斟
輕雲掩清旭古井生微陰
此時無與語春焉懷所欽
佳期歲云暮閉門黃葉深

古意八首

隴鳥何翩翩東來入紫宮
君王顧之笑貯以金絲籠
宵眠曲檻靜晝啄香稻豐
紅紫語朝日綠羽搖春風
一朝栢梁火委質灰燼中人皆羨其

始我獨悲其終豈若故山侶孤鳴松桂叢
有客別東魯求名入長安長安多甲第歌舞青
雲端衣冠散廣陌劍佩聲珊珊忽見車騎來白
日輝金鞍認是平生親欲進仍盤桓願一道姓
名氣象不可干日暮歸邸舍撫枕涕洟瀾傳語
後來人此路誠獨難

少年喜遠游按劍出西塞道傍雙古塚累累正
相對云是孤竹子蕪沒向千載慷慨為悲吒沈
慟傷五內盤桓不忍去白日慘將晦商周今已
遠是非竟何在

幽蘭生都房秀色一何嫩雨露日夜滋枝葉忽
盈畹窈恐鷓鴣鳴青歲坐成晚今人不知佩古
人亦已遠天運苟如此持此欲誰怨

鳳皇生丹穴一舉橫九州朝辭閭風岑夕飲滄
海流文王久已沒何當一來遊嗟彼藩籬雀啾
啾安所求

行出郭北門日暮游江皋凝霜被百草烈風聲
怒號原塹何蕭條極目唯蓬蒿豈無同來人莫
知我心勞所思在萬里茫茫隔風濤孤鴈西南
翔哀鳴求其曹見此長嘆息淚下沾寒袍

嚶嚶谷中禽芊芊江上草皎皎深閨女採桑城南道行者為踟躕共言顏色好蹇脩沒已久佳期苦不早終然守幽獨歎息年光老夕日何暉暉照我秋園葵秋葵共夕日能復幾多時忽有回風發浮雲來翳之恩光中道隔對此令人悲

行路難

吳歛且勿叫蜀絃且勿彈四座各傾耳聽我行路難何處路最難最難在長安長安大道傍甲第遙相望借問誰所居許史與金張軒車溢閭

石沙集卷之一
十三
巷絲竹鳴中堂手握造化開天地隨低昂咲或
吐春華怒或飛秋霜一言不相入瞬息成禍殃
嗟爾遠方士營營欲何求歸去復歸去桂樹山
之幽

曉踰車嶺

人生無賢愚為口長營營處世豈免俗也復勞
此行中宵發古館策馬西南征地傾崖石大天
寒沙水清凌晨越車嶺左右山崢嶸松風何喧
喧恠鳥時一鳴斜月隱奔峭鬼火林間明我僕
泣且僵我馬行復驚險艱不可道斯路何時平

長歌苦寒行古人同此情

記夢

夜歇葛院村鷄鳴逐群動荒林十里陂馳褐冒
寒霜顙顙據鞍睡歷歷還家夢斑衣上北堂侍
立雙手拱山妻語音好春蠶方浮甌小女始扶
床姪姪極可弄中堂鋪綺席棣萼羅伯仲雕觴
湛琥珀盡燭生蟬煉簪纓雜諧笑粉戴多迅衆
孰知一餉間喜事紛總總耳邊溪水急逸響風
吹送形開境忽移行色方倥傯浮生百年內生
死等蠅蠓覺夢豈兩般悲歡本一種不能自解

脫更覺塵緣重攬轡三歎息林端初日湧

夢具客

百川日東流逝者何時還堂堂具公子零落歸
丘山昨夜來入夢彷彿平生顏戒我慎處世處
世良獨艱苟能適其適死生同一般轉輾忽不
見起坐淚潺潺奈何失知己白首留人間

遊城東次使相韻

使相即月沙李公廷龜

我生遭飄蕩十年別鄉國苦被世務迫又作西
州客西州形勝地川原紛駭矚地僻衆山秀天
寒萬壑縮平生巡賞心遇景輒難抑日昨到龍

灣城府開清旭粉堞連雲烟青樓夾街陌人言
城北陟有淵深莫測玉鏡不受塵清輝蕩高壁
餘波瀉千里浩浩窮遠目枯松與旌石顛倒蒼
崖側華夏此為界控引雄施軸巖楓九秋赤汀
草三春綠光景逐時新照映馮夷宅有時龍用
壯白日飛霹靂陰姦所含蓄俯瞰彌悚惕神物
豈敢侮靈源何可塞當年有異事鐵鎖留古跡
伊余坐賓館自傷遊絕域偶此忝陪賞初筵動
芼葦江鱸白雪高山肴絳實拆覽物胆空勞吊
古腕屢扼韋今時運泰正值兵火熄即事但酣

歌金戈何用拓日八邊月生奇興殊未極逢場
却盡歡豈道鄉關隔佳人金縷衣裊裊隨長笛
亂後得此遊人間有今夕所恨江水凍錦帆不
可劃醉來駟雪馬忽若的盧躍歸路擁火城橫
鞭意自得公詩清照眼有如江漢濯隋珠何以
報拙語同燕石

次韻題正上人詩軸

何所聞而來何所見而去去來唯適意超忽絕
儔侶我有心中疑願下一轉語此道具本末進
德要循序奈何黃面老云有頓悟處上人默不

言臨別更問汝

送李子敏

安訥

出守端川

春陰逗餘寒，開路正風雪。奈何君遠行，重嶺不可越。君才合侍從小邑，非所屑。豈伊厭承明，聊復為親屈。國家新法亂，一作聖朝憂虞方未畢。黎元困征賦，愁痛未忍說。官吏恤供給，割剝到膏血。向來百家村，所存無十室。慎勿踵前跡，務在蘇疲甯。用刑戒酷吏，推恕法先哲。佇令凋瘵民，再見昇平日。從此鵲聲續，卿相可俯掇。伊余性放誕，與世實踈濶。閉戶風塵中，十日不一出。

沉憂恒鬱之況此與君別尊酒慰行役勞歌頗
愁絕願言各努力無使音塵闕

憶舊遊五百字奉寄開城留守許令公潛
憶歲在攝提翰墨遊開西開西形勝地觸處多
山溪恨為王事拘不得窮遊娛居然脫羈繫決
若驚飛鳬人言松壤國乃是神仙區况聞太守
賢風流天下無回輶駕言邁山路多崎嶇途彈
得異境况八壺公壺君侯喜得我顏色頗敷腴
號呼促管絃接袂登華筵紅樓枕綠水敞豁當
中天娟娟神女羣列侍尊壘前是時朱夏初景

氣何澄鮮江流正浩蕩江草方芊縣迥然諧宿
心似脫區中緣豔姬眸射戟羅袖輕翩翩妖歌
激盡梁亂舞落金細高譚雜嘲笑醉態狂且顛
舉酒酌東明事往今千年日八設庭燎華燭長
如掾峯頭擲火戲至樂寧有此夜闌清讌終逸
興殊未已平明登綵舟扣棹浮中流魚龍避盡
鷁簫鼓驚沙鷗箕踞露吾髮嘯傲凌滄洲結纜
蒼壁根步躡高唐雲襄王去不返異跡空傳聞
平生好奇恠頻覺斯遊最人事不如意三宿乃
旋旆山川忽已隔悵望知何奈我於去歲秋匹

馬超西州公時尹古京邀我城南樓聯鑣紫霞
洞水石清而幽不謂道途間更續巫山遊別來
幾多時歲月秣馬馳中間一再見綴綴意益彌
公林實間世早抱青雲姿清風振濁俗國耳忘
其私引士必名勝布惠先惇癈顧惟襍穢者失
路迷所之豈無濟時策耿耿空自竒嗜酒益踈
誕舉動人共嗤髮白走塵土未暇營一炊泥塗
垂拂拭感荷君子知許與眉宇間一諾山可移
離合故多端汴沉那得期唯餘方寸心金石無
磷緇索居殊壹鬱舊遊徒夢思西風掃炎溽秋

氣生礪谷幾時陪杖屨天磨看飛瀑

雨中隣翁惠酒醉中信筆為詩

亭午鳥聲歇急雨鳴屋樑空齋盡日睡草樹生
微涼家貧烟火絕嘯歌如子桑西隣頗解事送
酒澆飢腸向來惜人情況此安敢忘一酌十回
謝百回情未央居然不復謝去八無何鄉

酒後示諸生

我聞群聖人相傳唯此心所貴守本性不為外
物侵窮持顏巷瓢達作商家霖行身依典禮可
托君子林其餘反是者未免為昏濫老夫早向

道古言以自箴中間遂放倒兀兀仍至今舉世
不我容白首甘陸沉豈意諸少年負笈來相尋
願言各努力惜此分寸陰立志要堅固窮理要
精深人生不再壯歲月驅駸駸勿以我為妄聽
我醉中吟

病後步西園有懷

偶嬰漳水疾鬱鬱度晨昏今朝試脚力杖策登
西園春光欲淡沲日色和且溫羃地芳草積滿
林幽鳥喧觸物已生感好懷寧復論蜘蛛網詩
篋塵土生酒尊平生放浪意消落無餘存因思

淚水上千古勝事繁青山麟馬窟明月大洞門
歷々舊遊地悠々勞夢魂惜哉不得往泯默更
何言時以禦迷官有西行之命而病不能赴故及之

送金進士轡南歸星州并引

余識金君志遠近十年始見於處士成
氏之居成氏之甥曰趙君士安者亦佳
士與君情好甚密有若天倫焉一日君
出畫卷曰群山二友圖蓋二友者君與
士安也群山者二君始會之地也畫則
趙君手筆而二君俱有題序且命余為

一言余竊歎朋友道滅絕久矣乃特見
於今而又在於吾所從遊者雖未能參
入畫中得掛名於其後亦幸矣乃賦長
句詩以附卷尾自是雖或聚或散而率
不過數十百里之間得以時時經過以
瀉鬱鬱未幾何而趙君逝矣又未幾
何而君且南歸矣噫士之知己夫豈易
哉古今如許其寥闊而生在一世四海
如許其廣大而生在一國國人如許其
衆且多而獨吾與二三子者一言定交

莫逆於心則其風期宿緣似非偶然而
或不幸早逝或遠作千里之別使我白
首同歸之約堙沒無成此非人力所到
其如天何哉雖然感舊傷離亦情所不
能已者聊書所懷以贖其行

吾侯不羈士乃是東南義艱開避兵亂輾轉西
海溪為人古心貌文藻蓋餘事飢寒走不暇得
裘無愠喜我亦骯髒人白首屠沽市相逢風塵
中一笑許知己往還八九載浩蕩江湖醉今晨
來告別千里適南紀星山舊田廬雲谷好山水

身持令名歸亦足償素志况人生世間如泛梗
相似縱橫不自覺聚散固其理但憐鹿皮翁未
契得數子心期坐乖張襟抱欲誰倚平生趙士
安零落歸蒿里逝者不可回萬世長已矣予又
決然去後會焉足恃川原莽回互相視各垂淚
臨歧更贈語珍重慎行李如逢北來鴈願寄平
安字

余居閑無事習懶成癖絕朋友過從之樂
因以淵明詩為會心友玄鶴琴為知音友
麴生為忘形友遂題三詩以志之

禮樂歸金刀平陸渾成江斗粟聊爾耳高節不
可降秋花非俗物濁醪盈我缸平生五字句古
意極醇厖吾今百世下夢想拜老龐每到會心
處清風生北窓

右題淵明詩卷

孤桐生龍門直上高十尋下臨不測淵上有哀
鳴禽何年斲天骨製此丘中琴一鼓清入耳再
鼓和人心舉世無鍾期誰知音外音

右題玄鶴琴

世路極險巖吾身安所歸幸有麴秀才風味不

我違平生老瓦盆白首相相依一盃遺萬物寧
復為人轡聖處不難到酒德能庶幾未覺軒冕
榮豈知蓬蓽微至味諒斯在所貴知者稀回語
獨醒人醉鄉無是非

右題麴生

題馴鶴翁詩卷

翩翩羽衣仙乃是青田真朝辭閭風岑夕飲滄
海津別來綠玉樹花發三千春雖然落世網獨
立超風塵此物非俗物非爾誰能馴

齋兒行

麋也鹿之徒膽白故善驚喜山或喜澤同實浪
異名產子豐林中羃々相隨行偶落樵夫手跳
擲何生獰毛骨未及壯不足充烹烹號若嬰
兒殺却豈我情催僮樹短柵飼之茅養牲見人
必僂惶豎耳突眼睛摩挲稍相近漸覺趨和平
終然擾且順傾倒喜人聲每遇當飼時昂首先
來迎此物本山野與人不相營由其善畜養習
性若天成况乎人與人元自同胞生夷狄縱異
倫亦可就羈纓小人君子間只隔毫釐爭初豈
與我異遇之當在誠苟能得其權敵讎為弟兄

笑談或失意骨肉生五兵至人齊萬類與物無
所撓豈學群小態爭鬪紛紛硜硜丁寧告同志此
詩君且評且試

次韻趙持世

韓緯

以繕工監役官觀刈葦於

鴨島自嘲之作

君侯盛壯時諸少氣欲盡居然屈壯圖但有毛
骨緊膏中萬甲兵聊復試筆陣昨日君家驕揮
起爭奮迅騰馳凡幾輩造次生悔吝富貴何足
論今古一灰燼何如積薪底白首甘吏隱來詩
語不多味永方覺雋古人豈難到世俗那妨哂

擲地已金聲斯君終玉振

附元韻

祗役出鳴島監刈秋已盡蕭蕭蘆葦晚烈烈
風霜緊侵晨驅役徒魚貫排行陣利鏃似新
月一揮驚電迅斬伐並蘭蘅蒿荻何曾吝平
原忽已諸大澤無餘燼鷓鴣失舊柙狐兔不
復隱斯頑積如山課功若得雋事業止於斯
功名聊自哂安得芟群小致令王靈振

奉贈灘隱

即宗室石陽正
墨竹妙絕一世

翩翩佳公子標致迥絕代超然厭濁世遐舉謝

流輩膏中千畝竹歲寒常不改平生三昧手自
有能事在融心造化窟用意烟霞外方將下筆
時神與境俱會須臾風動壁爽氣欲生籟向來
文湖州更覺才力退不惜傳世人但恐泣真宰
遺我以醉墨行李頗生彩他年開展處眉宇宛
相對勉率留詩章拙語無足採

次山人處英詩韻

有物絕名相所以能物物心如寒江水印得空
界月一自混沌死萬法從此別諸佛亦微塵群
經皆妄說何人強解事作此淡生活

雜詩

巨海浸坤維浩浩揚風濤橫者無際涯仰視星
斗高徒言九州大宇宙一毫毛何處覓三山誰
人釣六鼇王母老赤脚妄說千年桃但見百川
水日夜流滔滔寄語精衛鳥銜石無徒勞無徒一作徒

挽歌為金自作

握珠忽墮地錯莫驚神魂種木園囿中貴者恒
不蕃人生有如此天道寧復論中宵動祖車丹
旄風翻翻親戚執素紼行哭向丘原佳城一以

石川集卷之一
二四
閑厚夜何由瞰今古共一轍已矣知何言

送李錦山子敏之任

君侯神駿姿如馬脫重銜雙瞳清照人寶鏡新
開函冑中千卷書藻思不可緘氣酣恣揮洒筆
勢爭風帆雄詞肆滂沛苦語工鐫劂和璧脫玷
翳楚俗多謗讒寢寢廊廟器誰辨玉與珉一麾
三出守大惠歛莫咸終始執苦節亦足勵貪饒
辛勤備滄漣奉養出至誠平生報國心上有神
明監鄙夫早識面蒲蘇倚松栢才名雖不逮氣
味同醪醖江湖極遊行諧笑相誦誦開卷可愛灑

灑捧盃憐懃懃結交三十載心地鉏鑿與白頭
邛此別有淚霑我衽西風振槁葉曉氣成寒寥
睠然懷徃路雲山鬱巉之行矣樹佳政使君元
不凡

任寬甫

鏤

挽詞

我國於為詩好尚唯蘇黃中間崔白輩稍之歸
盛唐雖然喜清麗古氣頗凋傷君侯大雅姿錦
繡為心腸平生三百篇逸韻何鏗鏘不入陶謝
室要升蘇李堂才名四十年與世終乖張文窮
自古然貪病乃其常嚴霜一夜下蘭蕙委微芳

傷心懸磬室門逕已荒涼弱岭蒙許與藝苑叅
翱翔將老失知己我涕流滂滂清談與雅量已
矣今則亡唯應擬古作萬古江河長

記異效白樂天

十一月將晦時夜二更後天地色黯慘江河聲
怒吼雨師挾風伯鞭策群龍走陰陽失其度恠
事無不有為問百歲翁曾識冬雷否

有木不知名效白樂天

有木不知名三抹五蟠結地高偏受露陰重巧
遮日群蟻喜心空衆鳥欣葉密無為題題宅百

恠中夜發有人不量力持斧擬剪伐為近社壇
下欲進還股慄一朝霰雪繁天道有肅殺豈若
澗底松千載自蕭瑟

新春病不能飲慨然有作

平生喜飲酒一石嫌未痛居然喫不得造物真
好弄祗恨身早衰敢言心不動任情得新懶求
道喪前勇行年四十四閱世夢中夢

三子前與所中四下四國世受中界

以果於斯事平寒鄉之山不似於前所傳則生


半半善如圖一四知未識承意不似近時

前春兩不期所無意於

新出於平陸自前

不似於前所傳一四知未識承意不似近時

前春兩不期所無意於



卷之六

雜著

石

石